

元和郡縣志卷五

唐 李吉甫 撰

關內道 五

朔方中都督府

夏州

開元戶六千一百三十二 鄉二十
元和戶三千一百 鄉八

今為夏綏銀節度使理所

管夏州綏州銀州
宥州 管縣三十

案此與後振武節度使豐州都防禦使不載都管
戶數又銀麟勝豐諸州不載元和戶鄉數俱由轉
寫遺 缺

禹貢雍州之域春秋及戰國時屬魏秦并天下置三十

元和郡縣志

卷五

六郡屬上郡漢武帝分置朔方郡後漢建武二十年罷

二十七年復置靈帝末羌胡亂塞下皆空至晉末赫連

勃勃于今州理僭稱大夏勃勃字屈子一作屈朔方匈奴

人父衛辰苻堅時為西單于遂有朔方之地辰後為後

魏所殺勃勃殺高平沒奕干并其眾自稱天王于朔水

之北黑水之南營起都城即今州理是也名曰統萬城

至子昌為後魏太武帝所滅置統萬鎮孝文帝太和十

一年改置夏州隋大業元年以為朔方郡隋末為賊帥

梁師都所據貞觀二年討平之改為夏州置都督府天

寶元年改爲朔方郡乾元元年復爲夏州也

州境

東西二百一十五里
南北七十里

八到

東南至上都一千五十里
東南至東都一千八百五十里

東至銀州一百八十里
東南至延州四百里

西南至鹽州三百里
西北至豐州七百五十里

貢賦

開元貢

角弓

布

麻

麀

酥

苳

苳

霜

薺

管縣四

朔方

德靜

寧朔

長澤

朔方縣

上郭下

元和郡縣志

卷五

二

本漢舊縣今縣理北什賁故城是漢末荒廢後魏更置

巖綠縣隋因之貞觀二年改爲朔方縣

契吳山在縣北七十里十六國春秋曰赫連勃勃北遊

契吳歎曰美哉臨廣澤而帶清流吾行地多矣自馬領

以北大河以南未之有也

無定河一名朔水一名奢延水源出縣南百步赫連勃

勃于此水之北黑水之南改築大城名統萬城今按州

南無奢延水惟無定河卽奢延水也古今異名耳

烏水出縣黑澗東注奢延水本名黑水避周太祖諱改

名烏水初統萬城成勃勃下書曰今都城已建宜立美
名朕方統一天下君臨萬國宜以統萬爲名其城土色
白而牢固有九堞峻險非力可攻酈道元云統萬城蒸
土加功雉堞雖久崇墉若新

什賁故城在縣理北卽漢朔方縣之故城也詩所謂王
命南仲城彼朔方是也漢武帝元朔二年收河南地置
朔方五原郡使校尉蘇建築朔方公孫弘數諫以爲罷
敞中國以奉無用之地願罷之上使朱買臣難弘發十
策弘不得一由是卒城之亦謂此也自漢至今常爲關
元和郡縣志

卷五

三

中根本什賁之號蓋蕃語也城西南有二鹽池大而青
白青者名曰青鹽一名戎鹽入藥分也
故白城一名契吳城在縣北一百二十五里契吳山赫
連中因山所築勃勃常所歎美故其子昌因立此連以
立勃勃之廟

勃勃墓在縣西二十五里隋置白城鎮後廢

德靜縣

中下西南至州八十里

蓋漢朔方縣地周武帝于此置彌渾戍南有彌渾水因
名隋改爲德靜鎮尋廢鎮爲縣皇朝因之

無定河自朔方縣界流入

秦長城在縣西二里

寧朔縣 中下西北至州一百二十里

本漢朔方地周于此置寧朔縣屬化政郡自隋罷郡以縣屬夏州皇朝因之

賀蘭山在縣東北三十里

秦長城在縣北十里

長澤縣 中下東北至州一百二十里

本漢三封縣地屬朔方郡今縣北二十里三封故城是

元和郡縣志

卷五

四

也後魏于此置長澤縣屬闡熙郡隋罷郡以縣屬夏州皇朝因之

闡熙故城在今縣西南二十里

百井戍在縣南八十里勃勃與禿髮儁檀戰處

胡洛鹽池在縣北五百里周迴三十里亦謂之獨樂池

聲相近也漢有鹽官

綏州 上郡下

開元戶八千七百五十

鄉二十八

元和戶八百四十

鄉一十二

禹貢雍州之域春秋時其地為白狄所居七國時屬魏

史記曰魏有西河上郡秦并天下始皇置三十六郡爲上郡漢高帝元年項羽立董翳爲翟王後廢復爲上郡漢武帝徵六郡良家子爲羽林郎上郡卽其一也按秦上郡城在今州理東南五十里上郡故城是也自後漢末以來荒廢年久俗是稽胡及赫連勃勃都于統萬上郡之地又爲赫連部落所居後魏明帝神龜元年東夏州刺史張邵于此置上郡廢帝元年于郡內分置綏州隋煬帝又改爲上郡後又改爲雕陰郡以雕山在西南故名隋亂陷賊武德三年百姓歸化遂于延州豐林縣

元和郡縣志

卷五

五

置綏州總管貞觀二年討平梁師都廢府移州于今理

州境 州境里數傳寫缺

八到 西南至上郡一千里 東南至東都一千四百里

東至石州二百七十里 西至夏州三百六十里 西南至延州三百二十里 西北至銀州一百六十里 東北至太原五百九十里

貢賦 開元貢 蠟 賦 布 麻

管縣五

- 龍泉 延福 綏德 城平 大斌

龍泉縣中下郭下

本秦膚施縣地二漢同後魏于此置上縣取郡爲名開皇三年上縣屬綏州大業二年改綏州爲上郡又改爲雕陰郡上縣咸屬焉皇朝因而不改天寶元年改爲龍泉

疏屬山亦名雕陰山卽山海經云貳負之臣曰危與貳負殺窳窳帝乃梏之疏屬山卽此也

無定河一名奢延水自銀州撫甯縣界流入

州城貞觀元年築實中四面石甌東面高八十尺西面元和郡縣志

卷五

六

高百四十尺南面高四十尺北面高百二十尺周迴四里二百步

上郡故城在縣東南五十里始皇使太子扶蘇監蒙恬于上郡卽此處也

吳兒城在縣西北四十里初赫連勃勃破劉裕子義真于長安遂虜其人築此城以居之號吳兒城

延福縣中下西至州一百一十里

本秦膚施縣地後魏置延陵縣理延陵村隋文帝改爲延福皇朝因之

綏德縣

中下北至州一百里

本秦上郡之地二漢不改魏省上郡後魏文帝分上郡南界邱尼谷置綏德縣隋不改皇朝因之武德二年移于吐延水北卽今理是也

城平縣

中下東北至州二百里

本秦膚施縣二漢不改後魏孝明帝于今縣理西三十里庫仁川置城中縣隋改爲城平縣自庫仁川移于今理屬上郡皇朝因之

大斌縣

中下東至州一百一十里

元和郡縣志

卷五

七

本秦膚施縣之地後魏孝明帝神龜元年于今縣東五里置大斌縣屬上郡周隋不改武德七年于今城平縣界魏平故城改置因隋舊名大斌者取稽胡懷化文武雜半之義

銀州

銀川下

開元戶六千一百二十

鄉十九

禹貢雍州之域春秋時屬白狄地秦并天下始皇分三十六郡屬上郡漢爲河西郡固陰縣之地晉十六國時爲戎狄所屬符秦建元元年自驄馬城巡撫戎狄其城

卽今州理城是也周武帝保定二年分置銀州因谷爲名舊有人牧驄馬于此谷狄語驄馬爲乞銀隋大業二年廢銀州縣屬雕陰郡隋末陷于寇賊貞觀二年梁師都都于此重置銀州天寶元年爲銀州郡乾元元年復爲銀州

州境東西二百七十一里南北三百二十八里

八到西南至上都一千六百里東南至東都一千四百里

東至石州界黃河一百六十里東南至綏州一百六十里西至夏州一百八十里東北至麟州三百里

元和郡縣志

卷五

八

貢賦開元貢女稽布賦布麻粟

管縣四

儒林 真鄉 開光 撫寧

儒林縣中郭下

本漢囿陰縣地以其在囿水之陰故名隋開皇三年于此置儒林縣屬銀州大業二年廢銀州以縣屬雕陰郡貞觀二年重置銀州縣又屬焉

無定河自夏州界流入

真鄉縣中下西至州一百里

漢圖陰縣地周武帝保定二年置今縣屬銀州皇朝因之

茹蘆水源出縣理西北

開光縣 中下西南至州二百里

漢圖陰縣地周武帝保定二年于今縣理置開光郡宣

帝大象二年廢郡置開光縣屬撫寧郡隋開皇三年罷

郡以縣屬銀州皇朝因之

撫寧縣 中下北至州八十里

本漢圖陰縣地後魏廢帝于縣東撫寧故城置撫寧縣

元和郡縣志

卷五

九

屬撫寧郡隋開皇三年廢郡以縣移于今理屬銀州皇朝因之

無定河在縣北二十里

廢宥州 在鹽州東北三百里 開元二十六年置寶應以

後廢事本末具新宥州

新宥州 上

本在鹽州北三百里初調露元年于靈州南界置魯麗含塞依契等六州以處突厥降戶時人謂之六胡州長安四年併為匡長二州神龍三年復置蘭池都督府在

鹽州白池縣此八十里仍分六州各爲一縣以隸之開元十一年康待賓叛亂克定後遷其人于河南江淮諸州二十六年還其餘黨遂于此置宥州以寬宥爲名也後爲靈朔郡領縣三懷德延恩歸仁天寶中宥州寄理經略軍寶應以後因循遂廢由是昆夷黨項屢來寇擾元和八年冬回鶻南過磧取西城柳谷路討吐蕃西城防禦使周懷義表至朝廷大恐以爲回鶻聲言討吐蕃意是爲寇惟中書侍郎平章事李吉甫以爲回鶻入寇且當斷絕和事不應便來犯邊今之多士居平則橫生

元和郡縣志

卷五

十

異議深沮邊計及聞邊警又承虛聲以洵朝廷冀因幾危搖動時事但當設備不足爲慮因請自夏州至天德軍復置廢館一十一所以通急驛又請夏州騎士五百人營于經略故城應援驛使兼護黨項部落上悉從之又上言曰國家舊置六胡州在靈州界內開元中廢六州置宥州以領諸降戶天寶末宥州寄理于經略軍蓋謂居中可以總統蕃部北接天德南據夏州今經略軍遠礙靈武道路乖越又不置軍鎮非舊制也請置宥州理經略軍至九年五月詔復于經略軍城置宥州乃爲

上州于州郭下置延恩縣爲上縣改隸夏綏銀觀察使
取鄜城神策行營兵馬使鄭杲下兵士并家九千人以
實經略軍又置州之日版築之下掘得釜二百五十四
口悉堪烹飪識者以爲暗合前賢之規模亦足以彰元
化之所感也其釜並散給諸營以資軍用又頃年每有
回鶻消息常須經太原取驛路至關下及奏報到已失
事宜今自新宥州北至天德置新館十一所從天德取
夏州乘傳奏事四日餘便至京師

州境案州境里數傳寫缺

元和郡縣志

卷五

十一

八到東南取夏州路至上都一千三百里

東南至東都二千一百里

東南至夏州三百二十里

西南至廢宥州三百里

東至麟州六百里

西南至靈州六百五十里

北至天德軍六百里

東北至申受降城五百六十里

南至鹽州六百里

管縣一

延恩案此縣志文傳寫缺

單于大都護府

今爲振武節度使理所管單于大都護府麟州勝州東受降城管縣六

本漢定襄郡之盛樂縣也後魏都盛樂亦謂此城武德
四年平突厥于此置雲州貞觀二十年改爲雲州都督
府麟德三年改爲單于大都護府垂拱二年改爲鎮守
使聖歷元年改置安化都護開元七年隸屬東受降城
八年復置單于大都護府

府境 府境里數傳寫缺

八到 西南取太原路至上都一千九百二十里
東南至東都一千七百里

東南至河界靜邊軍一百二十里
南至朔州三百五十里

西南至東受降城一百二十里
北至黑沙磧口七百里

元和郡縣志

卷五

十三

管縣一

金河

金河縣 中郭下

天寶四年置初景龍二年張仁愿于今東受降城置振
武軍天寶四年節度使王忠嗣移于此城內置縣曰金
河卽後魏什翼犍所都盛樂之地道武帝遷都平城則
今雲州所理是也

麟州 新秦下

禹貢雍州之域秦漢爲雲中郡隋開皇二十年置榆林

縣改爲勝州天寶元年王忠嗣奏割勝州連谷銀城兩

縣置麟州

州境

州境里數傳寫缺

八到

西南至上都一千四百六十里
東南至東都一千五百一十里

東至嵐州一百八十里
東至嵐州界黃河一百二十里河上有合水關
東北至勝州四百里
西南至銀州三百里

管縣三

新秦 連谷 銀城

新秦下

中郭下

元和郡縣志

卷五

三

初漢武帝徙貧人于關中以西及朔方以南謂之新秦
天寶元年置以爲縣取漢舊名也

連谷縣

中下南至州四十里

本漢圓陰縣地屬西河郡在今銀州儒林縣界隋文帝
于此置連谷鎮煬帝改爲連谷成大業十三年廢成貞
觀八年于廢戎置連谷縣屬勝州天寶元年割屬麟州
連谷鎮縣理城中貞觀八年置

銀城縣

中下北至州四十里

本漢圓陰縣地屬西河郡漢末大亂匈奴侵邊雲中西

河之間其地遂空訖于魏晉不立郡縣後魏時置石城縣廢帝改爲銀城關周武帝保定二年移于廢石龜鎮城卽今縣理是也貞觀因之屬勝州天寶元年屬麟州勝州 榆林下府

開元戶四千九十五 鄉十三

禹貢雍州之域春秋爲戎狄地戰國時爲晉趙地地理志云雲中立五原本戎狄地趙有之始皇分三十六郡爲雲中郡漢因之不改按漢雲中在今州理東北四十里榆林縣界雲中故城是也漢末大亂匈奴侵邊其城

元和郡縣志

卷五

十四

遂空晉宋屬赫連氏

赫連勃勃稱夏都于統萬按統萬城今在州理西南八百里夏州是

也後魏太武帝平赫連昌之後訖于周代往往置鎮不

立郡縣隋文帝開皇三年于此置榆林縣七年又以榆林縣屬雲州二十年割雲州之榆林富昌金河三縣置勝州立嘉名也煬帝大業五年以勝州爲榆林郡領榆林富昌金河三縣十五年郡人郭子和以城入突厥武德四年郭子和歸國其地又陷梁師都貞觀二年平師都三年仍隋舊理置勝州時柴紹劉蘭破滅匈奴奪得河南之地因置州以決勝爲名

州境數傳寫缺

八到西南至上都一千八百五十三里

東南至東都一千九百四十里

西南至麟州四百里

西南至夏州九百里

南至銀州七百里

北至豐州七百里

貢賦開元貢

賦女稽布

布麻

管縣二

榆林 河濱

榆林縣中下郭下

本漢沙南縣地屬雲中郡漢末北虜侵擾歷魏晉及周

元和郡縣志

卷五

五

黃地皆無縣邑隋開皇七年置榆林縣地北近榆林即

漢之榆溪塞因名屬雲州二十年改屬勝州皇朝因之

黃河西南自夏州朔方界流人

大葭蘆水縣西二百二十里

小葭蘆水縣西二百四十里其間地甚良沃

平河水首受黃河隋文帝開之以通屯倉

金河泊在縣東北二十里周迴十里

雲中故城在縣東北四十里趙雲中城秦雲中郡也史

記曰趙武靈王北破林胡樓煩所置秦因之

隋榆林宮在州城內大業三年置因榆林郡爲名其年
煬帝北巡陳兵塞表以威北狄因幸此宮突厥啓人可
汗獻馬及兵器新帳因賦詩云云

榆林關在縣東三十里東北臨河秦郤匈奴之處隋開
皇三年于此置榆林關

河濱縣 中下

本漢沙南縣地屬雲中郡迄于魏晉此地不立縣邑至
後魏及周復爲銀城縣地隋時復爲榆林縣地貞觀三
年于此置河濱縣東臨河岸因以爲名改雲州爲威州

元和郡縣志

卷五

六

立嘉名也八年廢威州以縣屬勝州

黃河在縣東一十五步闊一里不通船楫卽河濱關渡

河處名君子津

河濱關在縣東北貞觀七年置

東受降城本漢雲中郡地在榆林縣東北八里今屬振

武節度

八到 城南至上都一千八百六十八里
東南至東都取單于路一千八百二十里

東北至單于都護府一百二十里
東北至朔州四百里

西至中受降城三百里
北至磧口八百里

武川城今名里城後魏六鎮從西第三鎮在軍北三百里自北出石門障卽光祿城右入匈奴大路

光祿城東北有懷朔古城其城卽後魏六鎮從西第二鎮在今中城界向北化柵側近也

豐州 九原下府

開元戶一千九百 鄉五

今置都防禦使

管豐州天德軍西受降城中受降城 管縣二

其都防禦使及天德軍使理在西城今移理舊天

德軍城

元和郡縣志

卷五

七

禹貢雍州之域秦上郡之北境秦末沒胡漢武帝元朔二年使衛青逐去匈奴開置朔方領縣十理三封在今豐州西一百里後漢因之靈帝末羌胡擾亂城邑皆空永嘉後匈奴衛辰父子新居其地辰子赫連勃勃自稱大單于統萬城地屬勃勃後魏太武帝擒滅赫連昌置統萬鎮孝文帝改置夏州其地又為夏州之北境周武帝于今永豐縣置永豐鎮隋文帝開皇三年于鎮置豐州後廢貞觀四年突厥降附又權于此置豐州都督府不領縣惟領蕃戶以史大奈為都督十一年大奈死復

廢府以地屬靈州二十二年又分置豐州永徽九年于
州復重置永豐縣四年于郭下又置九原縣麟德元年
又置豐安縣天寶元年改為九原郡乾元元年復為豐

州

州境

案州境里數傳寫缺

八到

南至上都一千八百里
東南至東都二千一百九十里

東至勝州五百三十里

西南至靈州九百里

東南至夏州七百五十里

西北至河西城八十里

貢賦

開元貢野馬皮
布麻

元和郡縣志

卷五

十六

管縣二

九原 永豐

九原縣

中下郭下

本漢之廣牧舊地東部都尉所理其九原縣永徽四年
重置其城周隋間俗謂之甘草城

永豐縣

中下州西一百十六里

本漢臨戎舊地後漢末廢北人又謂之賀葛真城周武
帝保定三年于此置永豐鎮隋開皇五年廢鎮置永豐
縣武德六年省永徽九年復置

廢豐安縣在州東南四十里隋開皇六年于縣置豐安鎮麟德元年改爲豐安縣天寶末廢

天德軍

舊理在西受降城權置軍馬于永清柵元和九年詔移理舊城

本安北都護貞

觀二十一年于今西受降城東北四十里置燕然都護以瀚海等六都督阜蘭等七州並隸焉龍朔三年移于磧北回紇本部仍改名瀚海都護總章一年又改名安北都護尋移于甘州東北一千一十八里隋故大同城鎮垂拱元年置同城鎮其都護權移理刪丹縣西南九十九里西安城景龍二年又移理西受降城開元十年

元和郡縣志

卷五

九

又移理中受降城天寶八年張齊邱又于可敦城置橫塞軍又自中受降城移理橫塞軍十二年安思順奏廢橫塞軍請于大同州西築城置軍立宗賜名曰大安軍十四年築城功畢移大安軍理焉乾元後改爲天德軍緣居人稀少遂西南移三里權居永清柵其理所又移在西受降城自後頻爲河水所侵至元和八年春黃河泛溢城南面毀壞轉都防禦使周懷義上表請修築約當錢二十一萬貫中書侍郎平章事李吉甫密陳便宜以西城費用至廣又難施功請修天德舊城以安軍鎮

其大略曰伏以西城是開元十年張說所築今河水來
侵已毀其半臣量其事勢不堪重修若別築新城所費
殊廣計其人功糧食及改屋宇比及事畢不下三十萬
貫錢此但計費猶未知出入之處城南面卽爲水所壞
其子城猶堅牢量留一千人足得住居天德軍士合抽
居舊城豈可更勞版築虛棄錢物若三城是國家盛制
仁愿舊規亦須得天德添兵然後有人修築按天德舊
城在西城正東微南一百八十里其處見有兩城本是
永清柵卽隋氏大同城舊理去本城約三里以下城甚

牢小今隨事制宜仍存天德軍額北城周迴一十二丈
高四丈下闊一丈七尺天寶十二載安思順所置其城
居大同川中當北戎大路南接牟那山南又是麥泊其
地良沃遠近不殊天寶中安思順郭子儀等本築此城
擬爲朔方根本其意以中城東城連振武爲左翼又以
西城豐州連定遠爲右臂南制黨項北制匈奴左右鉤
帶居中處要誠長久之規也尋屬祿山有事子儀留老
弱于此城身率大眾河北討賊爲賊將宋星星所破縱
火焚燒遂移天德軍永清柵別置理所于西城只緣添

兵未得且因循併在一處力所不足實非遠圖臣久訪
略已計料約修此城不過二萬貫錢今若于天德舊城
隨事增飭因有移換仍取城隸于天德軍別置使名自
爲雄鎮以張聲勢可讐殊鄰詔從之于是復移天德軍
理所于舊城焉先是緣邊居人常苦室韋黨項之所侵
掠投竄山谷不知所從及新城施功之日遂有三萬餘
家移止城內初議者又慮城大無人以實及是遠近奔
湊邊軍益壯人心遂安沃野故城在軍城北六十里卽
是後魏時六鎮從西第一鎮也

元和郡縣志

卷五

八到 西取靈遠鎮故落鹽池經夏州至上都一千八百

西南渡河至豐州一百六十里
西北至橫塞軍城二百里
西至西受降城一百八十里
西南至新宥州六百里
東南至中受降城二百里

中受降城本漢九原郡地漢武帝元朔二年更名五原
開元十年于此城置安北大都護府後又移徙事具天

德軍

八到 城南至上都一千八百六十里
東南至東都取單于路二千一百二十里
東至東受降城三百里
西北至天德軍二百里

南至麟州四百里
北至磧口五百里

敬本故城在中城北四十里鄭虔軍錄曰時人以張仁
愿河外築三城自古未有今敬本城周一萬八百七十
三步壕塹深峻亦古之堅守賈耽古今述曰以地理求
之前代九原郡城也

西受降城

舊天德軍理于此城元和九年移理天德軍城

在豐州西北八十里

蓋漢朔方郡地臨河縣故理處開元初為河水所壞至
開元十年總管張說于故城東別置新城今城一本云其後城
西南隅又為河水所壞本末具天德軍

元和郡縣志

卷五

三

八到

城南至上都一千八百八十里

東南至東都取單于路二千二百五十里

正東徵南至天德軍一百八十里

東南渡河至豐州八十里

西南至定遠城七百里

北至磧口三百里

磧口西至回鶻衙帳一千單五里

右三受降城景雲三年張仁愿所置也初突厥入寇朔
方軍總管沙吒忠義為賊所敗詔仁愿代之先是朔方
軍北與突厥以河為界河北岸有拂雲堆神祠突厥將
入寇必先詣祠祭酌求福因牧馬料兵而後渡河時突
厥默啜盡眾西擊突騎施婆葛仁愿奏請乘虛奪取漢

南之地于河北築三受降城首尾相應絕其南寇之路
太子少師唐休璟以爲兩漢以來皆北守黃河今于寇
境築城恐勞人費功終爲賊所有仁愿固請不已中宗
竟從之仁愿表留年滿鎮兵以助其功時咸陽兵二百
餘人逃歸仁愿擒獲盡斬之軍中股慄六旬而三城俱
就以拂雲祠爲中城與東西兩城相去各四百餘里遙
相應接北拓三百餘里于牛頭車那山北置烽堠一千
八百所自是突厥不得度山放牧朔方無復寇掠滅鎮
兵數萬人初三城不置壘門及卻敵戰具或問曰邊城
禦賊之所不爲守備何也仁愿曰寇若至此常併力出
戰迴顧望城猶須斬之何用守備生其退而之心其後
常元楷爲總管始築壘門議者劣之

元和郡縣志

卷五

三